

Biblikal nga mga Ekspresyon, Biblikal nga mga Pagpasabot
Information Booklet C
Dugang alang sa Leksyon 12

- 1 – Ang mga Makasasala Masunog ba sa Walay-Katapusan?
- 2 – Walay Katapusang Kalayo
- 3 – Ang Pulong “Impyerno” diha sa Bibliya
- 4 – Ang pagpatay sa Lawas, Apan dili ang Kalag
- 5 – Ang Tawong Datu ug si Lazaro

#1 - Ang mga Makasasala Masunog ba sa Walay-Katapusan?

Ang doktrina sa walay-katapusang pagsunog sa mga makasasala wala gitudlo bisan asa diha sa Bibliya. Kini wala magsulti nga ang Dios magpalahutay sa mga kinabuhi niadtong naglapas sa Iyang sugo. Ang bayad sa sala dili lamang pag-antos o pagsakit, apan kamatayon. Didto sa krus gibayran ni Jesus ang atong silot alang sa sala pinaagi sa Iyang kamatayon. Kon ang silot sa sala mao ang walay-katapusang pagsakit, nan si Jesus dili unta makatuman nianang panginahanglanon ug mabanhaw sa ikatulong adlaw.

Mao nga unsa man ang imong buhaton sa dihang ikaw makakaplag sa ekspresyon diha sa Bibliya nga daw musupak sa pinakaklaro nga pasashe sa Bibliya mahitungod niini nga suheto? Adunay usa lamang ka sigurado nga dalan nga pagasundon, ug kana mao ang sa **MAKANUNAYONG PAGTUGOT SA BIBLIYA SA PAGPASABOT SA IYANG KAUGALINGONG MGA PINULUNGAN**. Pinaagi sa pagsusi sa kaugalingong paggamit sa Bibliya sa usa ka pinasahing ekspresyon, ikaw makakaplag sa usa ka hingpit nga panag-uyon nga anaa sa tibuok Bibliya mahitungod niini nga suheto.

Ang ubang katawhan nalimbungan pinaagi sa ekspresyon “**kalayo nga dili arang mapalong**”. Kini nga termino gigamit diha sa Mateo 3:12; Marcos 9:43-48; ug Lucas 3:17. Ang kamatuoran nga ang kalayo dili arang mapalong nagpasabot ba nga ang mga makasasala masunog sa walay-katapusan? Atong pangutan-on ang Bibliya sa pagpakita kanato sa tinuod nga ehemplo mahitungod niining matang sa kalayo.

Pinaagi ni profeta Jeremias, ang Dios nagtagna nga kon ang Iyang katawhan dili mobalaan sa Adlawng Igpapahulay, ang Jerusalem pagasunogon uban sa kalayo nga “dili na mapalong” (Jeremias 17:27). Kana nga tagna natuman (tanawa ang 2 Cronicas 36:19-21; Jeremias 52:12, 13). Apan bantayi nga bisan ang kalayo dili mapalong, ang sugnod naupos!

Sa Isaias atong mabasa nga ang mga dautan “mangasunog, ug walay makapalong kanila.” (Isaias 1:31). Apan sa mao rang kapitulo nagpasabot nga sila “pagaut-uton” (Isaias 1:28)!

Nakahibalo ba ikaw nga ang Bibliya nagrekord alang kanato sa usa ka ehemplo sa panahon nga gigamit ang “**kalayong dayon**”? Ang Judas 7 nagsulti nga “Sa ingon usab ang Sodoma ug ang Gomorra ug ang silinganang kalungsuran... nahimo silang mga panig-ingnan pinaagi sa paghiagum sa silot sa kalayong dayon.” Ang sugilanon narekord sa Genesis 19. Sumala niini nga ehemplo, unsaon sa kalayong dayon pagsunog sa mga butang? Ang tubag makita diha sa 2 Pedro 2:6, “Kon sa iyang paghimong abo sa mga lungsod sa Sodoma ug Gomorra... gihimong panig-ingnan alang kanila nga magkinabuhi nga dili diosnon.”

Ang Bibilya nagpasabot nga sila nga nakiglambigit diha sa katapusang pakigbisog batok sa Dios pagalaglagon sa maadlaw ug magabii “**hangtud sa kahangturan**” (tanawa ang Pinadayag 14:11; 20:10). Unsa kadugayon, diha sa Biblikanhong pagpanabot ang pulong nga “hangtud sa kahangturan?” Aduna bay Biblikanhong mga ehemplo mahitungod niining sukod sa panahon?

Adunay usa. Sa ekonomiya sa Hudiyon, ang tanang Hebrohanong sulogoon pagabuhian sa ikapitong tuig. Apan kon ang usa mupili sa dili pagbiya sa iyang agalon, “ug ang iyang agalon magapalungag sa iyang dalunggan sa hilihod, ug siya maiyang alagad nga sa walay katapusan.” (Exodo 21:6). Dayag kaayo nga ang “walay katapusan” nagpasabot lamang nga “samtang siya mabuhi pa”.

Ania lain nga ehemplo. Si Hannah nag dedikar sa iyang batang anak nga si Samuel ngadto sa Ginoo ug nagdala kaniya ngadto sa balay sa Ginoo aron siya mahimong “magpabilin sa walay katapusan” (1 Samuel 1:22). Iyang giklaro ang kahulugan sa iyang mga pulong diha sa bersikulo 28 pinaagi sa pag-ingon “ingon sa kadugayon nga siya buhi”.

Ang pulong “**walay katapusang pagsilot**” dili makaplagan diha sa Bibliya. Apan, si Jesus nagsulti mahitungod sa “**silot nga dayon**” (Mateo 25:46). Nahibaloan ba nimo ang kalahian? Unsa ang silot alang sa sala? “Ang bayad sa sala mao ang kamatayon” (Roma 6:23). Kini mao ang walay katapusang kamatayon. Ang mga Kasulatan klaro nga nagsulti nang daan nga ang sangputanan sa mga dautan “ang ilang dadangatan mao ang pagkalaglag” (Filipos 3:19); “pagkalaglag nga walay katapusan” (2 Tesalonica 1:9). “Gilaglag mo ang mga dautan; gipala mo ang ilang ngaan sa gihapon ug sa walay katapusan. Ang mga kaaway miabot na sa katapusan, gilaglag sila sa dayon; ug...ang mao gayud nga handumanan nila nahanaw na.” (Salmo 9:5, 6). “Kini mao ang ikaduhang kamatayon” (Pinadayag 20:140). Ang Bibliya klaro kaayo mahitungod niini nga suheto. (Tanawa usab ang Job 8:22; 20:4-9; Salmo 1:6; 21:9; 37:38; Proverbio 2:22; Isaias 65:17; Sofonias 1:18).

#2: Walay Katapusang Kalayo

Sunda ang pagtulun-an sa Bibliya mahitungod niining importanteng suheto:

Q: Unsang matang sa kalayo ang gamiton sa paglaglag sa mga dautan?

A: “kalayo nga dili arang mapalong” (Mateo 3:12); “sa kalayo nga dili arang mapalong” (Marcos 9:43-48); “sa kalayo nga dili arang mapalong” (Lucas 3:17); ug “kalayong walay pagkatapos” (Mateo 25:41).

Q: Unsa ang gigikanan niining kalayo nga dili matapos?

A: “Unya gipaulan ni Jehova sa Sodoma ug Gomorra ang azufre ug kalayo nga gikan kang Jehova didto sa langit.” Genesis 19:24

“Gikan sa Dios sa langit.” Pinadayag 20:9.

Q: Unsa ang atong nahibaloan mahitungod sa kinaiya sa Dios nga walay katapusan?

A: “Kay ang atong dios maoy usa ka kalayo nga nagaut-ut.” Hebrohanon 12:29

“Ang iyang trono mao ang nagadilaab nga siga, u gang mga ligid niini mao ang nagasiga nga kalayo. Ang sapa nga kalayo migula ug mibaha gikan sa iyang atubangan.” Daniel 7:9-11

“Ug ang panagway sa himaya ni Jehova ingon sa usa ka kalayo nga nagaut-ut.” Exodo 24:17

Q: Unsa ang gisagol nga miuban sa kalayo nga sa makanunayon anaa diha sa presensya sa Dios?

A: “Ug ang tibuok nga bukid sa Sinai miaso, kay si Jehova mikunsad sa ibabaw niini sa kalayo: u gang aso niini nagautbo ingon sa aso sa usa ka hudno.” Exodo 19:18.

“May miutbo nga aso gikan sa iyang mga ilong, ug kalayo gikan sa iyang baba milamoy: mga baba mingsilaub tungod niini.” 2 Samuel 22:9

“Nakita ko ang Ginoo nga nagalingkud sa usa ka trono, hataas ug tinuboy, ug ang iyang mga saput nakapuno sa templo... ug ang balay napuno sa aso.” Isaias 6:1-4

“Ug ang templo napuno sa aso gikan sa himaya sa Dios ug gikan sa iyang gahum.” Pinadayag 15:8

Q: Unsa ang mahitabo sa mga dautan diha sa iyang diosnong presensya?

A: “Ug siya miingon: Ikaw dili arang makakita sa akong nawong: ka yang tawo dili makakita sa akong nawong ug mabuhi pa siya.” Exodo 33:20.

“Siya pagasakiton pinaagi sa kalayo ug asupri diha sa atubangan sa mga balaang manolunda ug sa atubangan sa mga Cordero.” Pinadayag 14:10.

Q: Unsa ang epekto sa kalayo diha sa mga dautan?

A: “Ug may migula nga kalayo gikan sa atubangan ni Jehova, nga milamoy kanila, ug nangamatay sila sa atubangan ni Jehova.” Levitico 10:2

“Ug migula ang kalayo gikan kang Jehova, ug milamoy sa duruha ka gatus ug kalim-an ka tawo nga nanaghalad sa incienso.” Numeros 16:35

Q: Unsa lamang nga matang sa katawhan ang arang makabarug diha taliwala sa walay katapusang kalayo sa Dios?

A: “Kinsa bas a taliwala kanato ang makapuyo uban sa kalayo nga nagalamoy? Kinsa ba sa taliwala kanato ang makapuyo uban sa mga kasunog nga walay katapusan? Kadto lamang nagalakaw sa minatarung, ug magasulti sa matul-id.” Isaias 33:14-15.

Q: Ang mga matarung ba makapuyo diha sa presensya sa Dios?

A: “Siya magapuyo ipon kanila ug sila mahimong iyang katawhan, ug ang Dios gayhud mao ang magpakig-uban kanila ug mahimong ilang Dios.” Pinadayag 21:3

“Sa pagkaagi nga ikaw diha sa balaan nga bukid sa Dios; ikaw nagsaka-kanaug sa taliwala sa mga bato nga kalayo.” Ezekiel 28:14.

Q: Mao nga ang balaan makapuyo ug mulambo diha sa pinaka kalayo nga magaut-ut sa mga dautan?

A: “Kay ania karon, ang adlaw moabut na, nga nagasunog daw hudno; u gang tanang mga palabilabihon, ug ang tanang nanagbuhat sa kadautan mangahimonog tuod sa balili; u gang adlaw nga moabut magasunog kanila, nagaingon si Jehova sa mga panon, nga kini dili magbilin kanila bisan gamut, ni sanga. Apan kaninyo nga may kahadlok sa akong ngalan, ang adlaw sa pagkamatrung mosubang nga adunay kaluwasan sa iyang mga pako; ug kamo manggula, ug managlumpat sa kalipay maingon sa mga nating vaca sa toril. Ug pagatamakan ninyo ang mga dautan; kay sila mangahimong abo sa ilalum sa mga lapa-lapa sa inyong mga tiil, sa adlaw nga akong pagahimoon kini, nagaingon si Jehova sa mga panon.” Malaquias 4:1-3.

Q: Giunsa niini pagkalahi nga epekto ang pagpahulagway diha sa Bibliya?

A: “Ang siga sa kalayo nakamatay niadtong mga tawo nga nagsakwat kang Sadrach, Mesach, ug kang Abednego... Siya mitubag ug miingon: Ania karon, nakita ko nga upat na ka tawo nga dili ginapus, nga nanlakaw sa taliwala sa kalayo, ug sila wala maunsa; u gang dagway sa ikaupat sama sa usa ka Anak nga lalake sa Dios.” Daniel 3:22, 25.

Q: Sa pagpadayag sa Ginoo, sa asa man mutago ang mga dautan?

A: “Taboni kami gikan sa nawong sa nagalingkod sa trono, ug gikan sa kapungot sa Cordero.” Pinadayag 6:16.

Q: Unsa ang pinakaimportante nga pangutana alang kanimo?

A: “Kay nahiabut na ang dakung adlaw sa ilang kapungot, ug kinsa bay arang makabang-bang niini?” Pinadayag 6:17.

Q: Unsa man ang tubag?

A: “Mao kini sila... ang ilang mga tag-as nga bisti gilabhan nila ug gipaputi diha sa dugo sa Cordero. Tungod niini anaa sila sa atubangan sa trono sa Dios, ug nagaalagad kaniya sa maadlaw ug sa magabii sulod sa iyang templo; u gang nagalingkod sa trono magapanalipod kanila pinaagi sa iyang pagkaanaa. Sila dili na gutomon, ug dili na usab pagauhawon; dilin a sila pagahasulon sa Adlaw, ni sa bisan unsang makasunog nga kainit.” Pinadayag 7:14-16

Panapos nga Hunahuna:

Ang walay katapusang kalayo diin gisulti sa Bibliya mao ang kalayo sa presensya sa Dios. Niini ang mga makasasala dili mabuhi. Sila lamang nalimpyuhan gikan sa tanang pagkadili-matarung pinaagi ni Jesu-Cristo ang makapuyo diha sa presensya sa balaang Dios sa walay-katapusan.

#3: Ang Pulong “Infierno” diha sa Bibliya

Daghan sa katawhan ang wala makaamgo nga sa pagkatinuod adunay upat ka nagkalain-laing orihinal nga pulong nga gihubad nga “infierno” diha sa Bibliya. Ang makalibug nga bahin mao nga ang upat ka orihinal nga pulong wala nakabaton sa pareho nga kahulugan. Kon ang usa musulay sa pagsabot sa mga kahulugan sa upat ka pulong ngadto sa usa ka konsepto, siya dili lang maabot sa hilabihang kalibug nga hulagway sa dangatan sa mga dautan, apan siya usab makabuhat ug in hustisya ngadto sa katuyuan sa Bibliya.

Ang pulong “infierno” gigamit 54 ka beses diha sa Bibliya: 31 ka beses diha sa Karaang Tugon, ug 23 ka beses diha sa Bag-ong Tugon.

Sa matag panahon nga imong makita ang pulong “infierno” diha sa Karaang Tugon, mahimong ikaw makahibalo nga ang Hebrew nga pulong gagamit mao ang “seol”, diin nagpasabot “ang lubnganan” (tanawa ang Jonas 2:2, margin). Sa katunga sa mga panghitabo diin gigamit ang seol, ang maghuhubad nagpasabot niini nga “infierno”. Sa ubang katunga, ilang gagamit ang pulong “lubnganan”. Apan wala sa Kasulatan nga ang seol nagpaila sa pagsakit diin ang mga binuhat nga walay lawas nag-antos.

Ang Bibliya nagpaklaro nga ang tanang katawhan, sa mga matarung ug sa mga dautan, maudto sa seol sa dihang sila mamatay! Ang patriarka nga si Jacob nagsulti nga siya muadto sa seol sa dihang siya mamatay, ug ang iyang anak nga si Jose muadto usab sa seol (Genesis 37:35)! Ang matarung nga si Jacob naggamit sa pulong seol sa dihang siya nagsulti mahitungod sa iyang kaugalingong lugar sa pahulayan (Job 17:13). Didto ang tanan sa walay pagkahibalo naghulat alang sa pagkabanhaw.

Ang Bag-ong Tugon adunay tulo ka grego nga pulong nga gihubad nga “infierno”. Ug ang matag usa nagkahulugan sa managlahi nga butang.

Napulo sa 23 ka reperensya sa Bag-ong Tugon gihubad gikan sa pulong “hades”, diin simple nga mao ang grego nga kapareha sa seol, ug nagpasabot, “ang lubnganan” (tanawa ang Mateo 11:23; 16:18; Lucas 10:15; 16:23; Buhat 2:27, 31; Pinadayag 1:18; 6:8; 20:13, 14.) Ang hades wala gikalambigit sa pagsakit nga may kahibalo bisan asa diha sa Bibliya gawas diha sa samingay nga makita sa Lucas 16:23 (tanawa ang pinalahi nga panaghisgut mahitungod niini nga samingay).

Diha sa 12 ka panghitabo ang Grego nga pulong “gehenna” gihubad nga “impyerno” (Tanawa ang Mateo 5:22, 29, 30; 10:28; 18:9; 23:15, 33; Marcos 9:43, 45, 47; Lucas 12:5; Santiago 3:6). Ang Gehenna, o “Walog sa Hinnom,” gibalik-balik pagsulti diha sa Karaang Tugon (tanawa ang Josue 15:6; 2 Hari 23:10; 2 Cronicas 33:6; Jeremias 7:31). Kini mao ang dalama duol sa Jerusalem diin ang mga hari nga tigsimbag diosdios nagsunog sa ilang mga anak isip halad ngadto sa ilang mga paganong dios nga si Molech (tanawa ang 2 Cronicas 28:3 33:1, 6). Tungod niini nga dulumtanan, ang Dios nagdeklara nga Siya maghimo niini nga “walog sa ihawan” alang sa Iyang mga masukihong katawhan diin ang mga langgam sa langit mukaon sa ilang patayng lawas diin dili na malubong tungod sa kakulang sa lugar (tanawa ang Jeremias 7:32, 33; 19:6, 7).

Ang maong walog sa kadugayan gigamit isip tambakanan diin ang mga bukog sa mga hayop ug mga hugaw kanunayong gisunog. Kana nga mga lugar sa kinatibuk-ang napuno sa mga ulod diin mutabang sa pagpadunot sa mga linabay (tanawa ang Marcos 9:44). Tungod niini ang gehenna nahimong nalambigit sa panghunahuna sa mga Hudiyo uban sa lugar sa katapusang pagsilot. Busa si Jesus migamit niini isip hulagway sa kalayo nga musunog sa mga dautan diha sa katapusang adlaw sa paghukom. Apan wala gisulti sa Bibliya nga ang makasasala gitambog ngadto sa gehenna diha sa takna sa ilang kamatayon. Ang Bibliya klaro nga nagsulti nga ang kalayo nga musunog sa mga dautan dili makahilabot kanila hangtud sa katapusang adlaw sa paghukom.

Ang pulong “infierno” gigamit sa makausa lamang diha sa Kasulatan, sa 2 Pedro 2:4. Dinhi ang Grego nga pulong “tartaros” mao ang gigamit, nga nagpasabot “ang pinakalalum nga bung-aw”. Gigamit ni Pedro kini nga pulong sa dihang siya naghigot sa pagpawagtang sa mga masukihong mga manulunda gikan sa langit.

Aron sa paghugpong: sa upat ka pulong nga gihubad “infierno”, atong nakita nga ang Bibliya nagpaila-ila sa tulo ka managlahi nga konsepto:

1. *Seol o hades*: Ang lubnganan diin ang tanang katawhan muadto diha sa kamatayon aron sa walay-pagkahibalo maghulat sa pagkabanhaw sa kinabuhi ba o sa pagkabanhaw sa paglaglag.
2. *Gehenna*: Usa ka lugar sa pagsunog, gigamit isip hulagway sa kalayo nga sa usa ka adlaw mulaglag sa yuta ug sa hingpit nga paglamoy sa mga dautan.
3. *Tartaros*: Gigamit lamang sa makausa diha sa Kasulatan, apan dili reperado ngadto sa sangputanan sa tawo.

#4: Ang pagpatay sa Lawas, Apan dili ang Kalag

Pangutana: Sumala sa talaid sa Genesis 2:7, ang lawas usa ka bahin sa kalag. Unsaon man dayon nimo pagpasabot ang Mateo 10:28? “Ug ayaw ninyo pagkahadloki sila nga magapatay sa lawas apan dili arang makapatay sa kalag; mao hinooy kahadloki ninyo ang arang makalaglag sa kalag ug lawas didto sa infierno.” Dili ba kini nagtudlo nga ang lawas usa ka butang ug ang kalag lahi nga butang, ug busa ang kalag usa ka bahin nga lahi gikan sa lawas?

Tubag: Kinahanglan kita magbantay nga kini nga bersikulo dili nato basahon nga labaw sa tinuod nga gipasabot niini. Ang teksto wala mag-ingon nga ang kalag nagpadayon nga nabuhi sa dihang namatay ang lawas. Kini wala magsulti nga nagpabilin ang panimuot sa usa ka patay.

Ang pulong “kalag” nagpasabot ngadto sa usa ka tawo nga may usa kinabuhi, ug si Jesus nagpasalig ngadto sa Cristohanon sa kinabuhing walay-katapusan, bisan pa ug sila makasinati sa temporary nga kamatayon niini nga kalibutan, ug nga madugta ang ilang presente nga mga lawas. Si Job miingon, “Ug sa tapus ang akong panit, kining lawas ko gayud malaglag, Unya sa wala ang akong unod makita ko ang Dios.” Job 19:26. Diha sa pagkabanhaw, nasul-uban sa bag-o nga unod – bag-o nga mga lawas nga dili mamatay – kita makakita sa Dios.

Ang konteksto diha sa Mateo 10:28 mao nga si Cristo nagpasidaan nang daan nga ang pagpanglutos muabot ngadto sa Iyang mga sumusunod. Ang Iyang punto mao nga bisan niini nga kinabuhi kita mahimong pagapatayon, walay bisan usa nga makaagaw sa atong panulundon nga kinabuhing walay-katapusan. Sa dihang ang Dios mudeklara nga ikaw makadawat sa kinabuhing walay-katapusan, walay bisan usa ka tawo ang makaagaw niana nga katungod gikan naimo bisan pa ug unsa ang iyang buhaton diha kanimo. Bisin pa ug ikaw mabuhi o mamatay, sa gihapon ikaw nakabaton sa kasiguruhan nga makadawat sa kinabuhing walay-katapusan sa dihang si Jesus muabot.

Karon bantayi kung unsa ang gisulti sa nahibilin sa bersikulo. “mao hinooy kahadloki ninyo ang arang makalaglag sa kalag ug lawas didto sa infierno.” Klaro, kini nga teksto nagtudlo nga walay makasasala nga adunay kalag nga walay-kamatayon. Ang mga makakasala nga kalag pagalaglagon sa infierno. Kini nga bersikulo klaro nga nagsulti nga ang mga lawas sa makasasala maapil diha sa mga pagasunogon sa infierno. Busa ang katinuoran nga ang mga patayng lawas mahimong pagakaluton karon nagpasabot nga ang mga dautan wala pa miadto sa infierno. Sigurado, kon ako pa nagsulay sa pagpangita sa pamatuod diha sa Bibliya alang sa natural nga pagkawalay-kamatayon sa kalag, o alang sa presente nga pagsunog diha sa infierno, ako na unta nga likayan kini nga bersikulo.

#5: Ang Tawong Datu ug si Lazaro

Sa tibuok Bibliya adunay usa lamang ka pasahe nga nagsugyot sa pamuot nga pag-antos diha sa kamatayon – Lukas 16:19-31. Ang hinayagang pamatuod sa nabilin sa Kasulatan nagtudlo nga ang kamatayon usa ka pagkatulog, ug nga ang silot usa ka panahon nga umalabot. Ang rason ngano nga kini nga alegoriya gigamit ni Cristo dili aron sa paghulagway sa kahintang sa minatay, apan aron sa pagtudlo sa pipila ka importanteng mga punto sa kamatuoran.

Sama sa: Ang sumbingay tin-aw nga nagtudlo nga ang matag tawo mag-ani sa iyang gitanum. Ang Dios dili magbaliko sa mga lagda aron sa pagluwas niadtong nagpadayon sa pagsalikway sa Iyang grasya.

Ang sumbingay nagtudlo nga niini nga kinabuhi ang mga tawo magpili sa ilang walay-katapusang sangputanan. Samtang sila buhi pa, ang grasya sa Dios libre nga gitanyag alang sa tanang katawhan. Apan kon sila hakog nga mag-usik sa ilang mga kinabuhi, ug mapakyas sa paghunahuna sa eternidad karong panahona, sila mawad-an sa ilang kahigayonan alang sa kinabuhing walay-katapusan. Wala na dayon unya puruhan sa paghinulsol human sila mamatay.

Ang sumbingay usab nagpasidaan naidtong nagsalig sa ilang mga bahandi kaysa sa Dios. Ug kini nagsulti nga ang panahon muabot nga kadtong mga kabus sa mga butang sa kalibutan apan misalign sa Dios, pagadayegon.

Kon ang sumbingay pagasusihon pag-ayo, kaduhaduhaan kini kon ang usa ka tawo muangkong nga ang detalye niini mahimong usa ka basihan sa baruganan sa doktrina mahitungod sa suheto sa kinabuhi human sa kamatayon. Ang mga detalye sigurado nga wala magpresenta sa mga pagtoo niadtong nagtudlo sa dihadiha dayon nga pag-antos sa us aka “kalag” nga walay lawas diha sa kamatayon.

Pananglit:

1 – Diha sa samingay, walay paghisgot sa us aka kalag nga walay lawas. Ang datu nga tawo diha sa inferno adunay lawas. Siya adunay mata, dila, ug uban pa. walay bisan usa nga nagtoo nga ang mga lawas sa dautan muadto dayon sa kalayo sa diha nga sila mamatay.

2 – Walay bisan usa nga nagtoo nga ang literal nga sabakan ni Abraham mao ang puy-anan sa mga patay nga mga matarung. Diha sa pagbantay sa kinaiya sa alegoriya, klaro nga kini usa ka hulagway sa sinultihan. Sa laing bahin, ang mga manulunda magtapok sa mga balaan (tanawa ang bersikulo 22), apan sumala sa Mateo 24:31, kana mahitabo diha sa pag-abot ni Jesus, ug dili diha sa kamatayon.

3 – Lahi nga punto mao nga ang paraiso ug ang hades gihulagway dinhi nga nahimutang diha sa usa ka dapit diin ang mga lumulupyong mahimong makaistorya sa normal nga panag-istorya sa usag usa tabok sa dakung luwang. Apan ang Bilbiya nagsulti nga alang sa mga linuwas, ang karaang yuta “dili na pagahinumduman, ni motungha pa sa hunahuna.” (Isaias 65:17).

4 – Ang hangyo sa tawong datu diha sa bersikulo 24 lisud nga mahimong kinaiya sa us aka tawo nga anaa sa iyang kahimtang. Ang iyang tibuok lawasa anaa sa kalayo, ug ang iyang gipangayo ni Lasaru mao lamang ang pagtuslob sa tumoy sa iyang tudlo diha sa tubig ug sa pagduol aron sa pagpabugnaw sa iyang dila! Unsa man nga matang sa alibyo ang iyang gidahum gikan niana? Labina human si Lasaro mutabok diha sa luwang ug mulakaw diha sa kalayo aron sa pagduol ngadto kaniya. Unsa ka daghan sa kabasa ang iyang gihunahuna nga mabilin diha sa tudlo human sa iyang pagbyahe? Walay bisan usa nga nagtoo nga kini nga matang sa butang mahitabo tali sa matarung ug sa dautan human sa kamatayon.

5 – Sa paghisgot sa hangyo ni Lasaro sa pag-adto ug sa pagpasidaan sa buhi nga mga igsoon sa tawong datu, ang Bibliya nagsulti nga si Lasaro kinahanglan nga “mabanhaw gikan sa mga patay.” (bersikulo 31). Layo ra gikan sa panghunahuna nga magsuporta sa panimuot o sa paglihok sa tawo nga patay, kini naghatag ug support ngadto sa katinuoran nga aron sai Lasaro makabuhay sa bisan unsa kinahanglan siya pagabanhawon una!

6 – Diha sa samingay, si Jesus nagpunting kanato ngadto sa gigikanan sa diosnong pagtudlo: “Atua na kanila si Moises ug ang mga profeta; papatalinghuga sila kanila.” (bersikulo 29). Busa kini, sa laing pagkasulti – Ang Bibliya – mao ang atong kinahanglan tan-awon aron sa pagkat-on sa dangatan sa mga dautan.

Gibuhat ni Jesus nga ang detalye sa Iyang sugilanon nga mahimong klaro nga dili tinuod aron walay bisan usa nga literal nga magsabot niini. Iyang gusto nga ang Iyang mga tigpaminaw magtutok diha sa mga leksyon nga gidala sa samingay.

Gawas diha sa tinuyo nga punto o moral sa sugilanon, dili nato mabasi ang mga doktrinal nga pagtoo diha sa mga panghitabo sa usa ka alegoriya. Pananglit, ang tunok dili makahimo sa pagpangutana sa anak sa cidro alang sa iyang anak (tanawa ang 2 Kings 14:9). Ni ang mga kahoy makaadto aron sa pagdihog sa usa ka hari ibabaw kanila (tanawa Mga Maghuhukom 9:8-15). Mao nga mahitungod sa parabulo, pangutan-a ang imong kaugalingon, “Unsa ang buot ihulagway sa magsusulti niini nga samingay?” Busa kon ikaw gusto makahibalo mahitungod sa kinaiya sa mga kahoy o sa kinaiya sa tawong mga patay, pangitaa ang tanang pasahe sa Kasulatan diin kana nga topiko gihisgutan, ibutang ang tanang mga kahulugan, ug dayon ikaw makahibalo sa kumpleto nga kamatuoran mahitungod niana nga suheto.